

習齋記餘
一





習齋記餘

(一)

顏元撰

習齋記餘敘

習齋記餘者。先師顏子手著也。齋以習名者何。藥世也。藥世者何。世儒口頭見道。筆頭見道。顏子矯枉救失。遵論語開章之義。尙習行也。餘者何。對德言之也。謂吮毫濡墨。非身心正業。直緒餘也。餘似宜舍。何爲記之也。先生發明正學。矢口搦管。皆以文載道。非沉溺雕蟲也。惜藏弄不肖。遺稿殊多散亡也。餘也不敏。彙而輯之。類分卷釐。敬存梗概。亦不敢云擇焉而精也。凡我後起。撫茲遺編。全豹可想。周情孔思。斯文信在茲也。

乾隆十五年歲次辛未端月下浣受業門人鍾鏐識。

習齋記餘目錄

卷一……………

大學辨業序

未墜集序

泣血集序

通俗勸世集序

刪補三字書序

美惠方集序

送彭恒齋尹長洲序

送王允德教諭清苑序

送張文升佐武彤含尹鹽城序

送安平楊靜甫作幕序

崔孝子廬墓序

烈香集序

代族人賀心洙叔仲子吉人入泮序

卷二……………一七

漳南書院記

穀日筵記

尋父神應記

孝子王化麟尋父記

柳下坐記

卷三……………二七

答許西山御史書

與都察院許西山書

上太倉陸桴亭先生書

與五公山人王介祺

答五公山人王介祺

寄祁陽刁文孝

上刁文孝先生

答刁文孝先生

再卻刁先生請

與上蔡張仲誠書

寄關中李復元處士

與河南道御史趙用九書

上張東巖通政書

給易州李孝廉介石

寄桐鄉錢生曉城

與湯陰李甯居

寄陳宗文

與王篤周

答陳子彝

卷四.....四七

上本庠王廣文書

初寄王法乾書

給王法乾書

給王順乾書

給張爾韜秀才書

與劉煥章論禮書

答劉孝廉煥章書

給高陽孫衷淵書

與何茂才千里書

答何千里

勉劉茂才君顯

答陳端伯中書

答清苑馮拱北

給賈子一書

給彭永年書

答趙太若

答齊篤公秀才贈號書

辭魏帝臣見招

答李植秀

卷五……………七一

王餘厚傳

孝慤子傳

九異傳

賈處士傳

節白李處士傳

散逸翁傳

傭者彭朝彥傳

筆工王學詩傳

瘍醫王廷秀傳

二烈婦傳

卷六……………八五

評潮州謝表

評答孟尙書書

評與荆南樂秀才書

評柳州羅池碑

評答陝西安撫使范龍圖辭辟命書

總評王荆公上仁宗萬言書

閱張氏王學質疑評

王學質疑跋

讀刁文孝用六集三卷評語

讀刁文孝用六集四卷評語

讀刁文孝用六集五卷評語

讀刁文孝用六集七卷評語

讀刁文孝用六集八卷評語

讀刁文孝用六集九卷評語

讀刁文孝用六集十卷評語

讀刁文孝用六集十一卷評語

讀刁文孝用六集十二卷評語

人論

雷將軍論

韓會狀論

廣羽父弑隱公論

論開書院講學

卷七

曲阜祭孔子文

季秋祭孔子文 壬子

季秋同李剛主祭孔子文 辛酉

季秋祭孔子文 癸亥

率王源釋奠孔子文

季秋祭孔子祝 壬午

季秋祭孔子祝 癸未

初至漳南釋采孔子祝

祭祁陽刁文孝文

祭友人王五修文

祭壯譽王義士文

公奠李隱君諡孝愍先生文

祭李孝愍文

祭甯首張公儀文

祭石卿張先生文

哭涿州陳國鎮先生

祭洞雲吳師文

卷八

祭邑令羅毅亭

祭任熙宇文

祭魏帝臣文

再奠大來閣封翁文

哭湯陰李甯居

哭奠會友趙太若

祭節白李處士文

哭奠友人馮繪升

公祭蠡縣善人劉潤九文

祭彭朝彥文

奠王孝子全四文

祭耆德宋庶休文

哭王興甫

祭顯考關東公祝

祭無服殤子文

公奠賀母宋氏文

卷九：……………一四九

題論禮觀于鄉二章

題哀公問

禮運

夫子志亂而治之滯而起之

書王子雍家語序後

題非十二子

子祺子西諫遊荆臺

擬展喜卻齊師

問平勃之于漢懷英之于唐其成功孰難

駁朱子分年試經史子集議

卷十

居恩祖妣喪讀禮救過

居憂愚見

明弔奠禮

置木重不用魂帛說

祭門神齋款

祭戶神齋款

祭竈神齋款

祭中霤神齋款

巡捕朱公行實

父顏長翁行實

鍾行一行實

題記前示鍾鉸

李母行實紀略

習齋記餘卷一

大學辨業序

博野顏元著

孔子而前持世者凡繼天子民之事。皆日長日盛而氣運以日升。堯、舜、湯、文、周、孔。成已成物之法。遞明以備。夫人而知之也。孔子而後持世者。凡於古聖成已成物之事。皆日消日衰而氣運亦以日降。夫人而知之。夫人不盡知之也。昔者孔子歿而諸子分傳。楊、墨、莊、列乘間而起。鼓其詖說。祖龍遂毀井田封建。焚書阬儒。使吾儒經世之法。大學之制。淪胥以亡。兩漢起而治尙雜霸。儒者徒拾遺經爲訓傳。而聖學之體用殘缺莫振。浸淫於魏、晉、隋唐。訓詁日繁。佛老互扇。清談詞章譁然四起。禍積而至五季。百氏學術一歸兵燹。堯、舜、周、孔之道更孰從而問之乎。宋代當舉世憤憤罔所適向之時。而周子突出。以其傳於禪僧壽涯。道士陳搏者。雜入儒道。繪圖著書。創開一宗。程、朱、陸、王皆奉之。相率靜坐。頓悟驗喜。怒哀樂未發時氣象。曰以不觀觀之。暗中二氏之奸詭。而明明德之實功。溷矣。相率讀講註釋。合清談訓詁爲一堂。而習行禮樂兵農之功廢。所謂親民者。無其具矣。又何止至善之可言乎。以故於堯、舜三事之事。周、孔三物之物。個矩而趨。而古大學教人之法。秦人強使之亡而不能盡者。潛奸暗易而消亡。遂不知所底矣。生民之禍。倍甚晉、唐。道法淪湮。人才寥落。莫謂虞、夏、商、周之文物盡滅其迹。雖兩漢英雄之幹濟。賢守令之政務。亦莫

及焉。而語錄恣其張皇。傳贊肆其粉飾。竟若左右虞周。頡頏孔孟者。試觀後世之國學鄉學。尙有古大學學習之物否。試觀兩宋及今五百年學人。尙行禹益孔顏之實事否。徒空言相續。紙上加紙。而靜坐語錄中有學。小學大學中無學矣。書卷兩廡中有儒。小學大學中無儒矣。聖道之衰。毋乃已極與。孔子在天之靈。無乃傷與。僕爲此懼。妄有存學一編。復明周孔六德六行六藝。而於六藝尤致意焉。謂是六德之作用六行之材具。斯非心頭惺覺。筆端剽竊。所得假冒矣。未敢自是。博求有道以自束。得父事者五人。吾友李子璿之父晦夫先生其一也。李子夙佩家訓。而又仰承其尊人命從予遊。訂予存學曰。是格物致知本旨也。更博稽古經。根據聖人成法。指小學大學及學與行之次序。而爲大學辨業學規纂。少宰果亭徐公。少司寇匪菴吳公。見而歎曰。此三代前大學舊法。孔子之所祖述憲章。孟子所謂規矩也。若以歷代之消可自今日長。歷代之衰可自今日盛。歷代之降可自今日升也者。相與捐俸付梓。李子攜以見予。予曰。自儒業晦。禪宗文人書生。皆冒儒。是著何不統顏曰儒者本業。子其再與同志諸公計之。嗟乎。僕幾叡矣。兼賦質愚謬。惟堪作隴間沮溺。雖妄思明孔子之道於萬一。亦謂異代或有妄信如楊子雲所云後世復生子雲之說。不圖當吾世得李子以廣吾學。乃有嗜好之異如諸公者。草莽人聞之。喜如空谷足音。輒玷數言於諸序後。

未墜集序

予世之罪戾人也。少長城市。輕薄不檢。十九歲從端惠賈先生遊。始改酣廢行。未幾。遭飛禍。困窘中思立。

品退而居野鄙。甘貧服粗。勞身以事親。以爲不墜貪污害。害卽人矣。廿一歲始閱通鑑。以爲博古今。曉興廢邪正。卽人矣。曾不知世有道學名也。况知有朱陸兩派之辨爭乎。况知朱陸兩派俱非堯舜三事。周孔三物之道乎。同里彭翁九如。以詩畫交當時士夫。時爲予道語錄中言。異而問之。因出陸王要語示予。遂悅之。以爲聖人之道在是。學得如陸王。乃人矣。從而肆力焉。迨廿五六歲。得見性理大全。遂深悅之。以爲聖人之道又在是。學得如周程張朱。乃人矣。從而肆力焉。於家齋孔子位前。題明道諸儒主。次四配下。朔望拜禮。出入告面。事如父師。於通書稱周子真聖人。於小學稱朱子真聖人。農圃憂勞中。必日靜坐五六次。必讀講近思錄。太極圖。西銘等書。云得太極圖一以貫之。至康熙戊申。遭先恩祖妣大過。式遵文公家禮。尺寸不敢違。覺有拂戾性情者。第謂聖人定禮如此。不敢疑其非周公之舊也。歲梢忽知予非朱姓。哀殺不能伏廬中。偶取閱性理氣質之性總論爲學等篇。始覺宋儒之言性。非孟子本旨。宋儒之爲學。非堯舜周孔舊道。而有存性存學之作。然未敢以示人也。歸博來醫術漸行。聲氣漸通。乃知聖人之道絕傳矣。然猶不敢犯宋儒赫赫之勢焰。不忍悖少年引我之初步。欲扶持將就作儒統之餽羊。予本志也。迨辛未遊中州。就正於名下士。見人人禪宗。家家訓詁。確信宋室諸儒卽孔孟。牢不可破。口敝舌罷。去一分程朱。方見一分孔孟。不然則終此乾坤。聖道不明。蒼生無命矣。蓋學術者。人才之本也。人才者。政事之本也。政事者。民命之本也。無學術則无人才。无人才則无政事。无政事則无治平。无民命。其如儒統何。其如世道何。於是始信程朱之道不熄。周孔之道不著。聖人復起。不易吾言矣。乃斷與之判爲兩途。望天下之急舍。